

Des visites des Sauvages & à quelle intention. — 229
Leur maniere de salüer. L'estime qu'ils font des
François. De la vengeance. De la nation des testes
pellées, & comme nous gouvernions les François
& visitions les Sauvages.

CHAPITRE X.

L'homme est un animal sociable, qui ne peut viure sans compagnie, mais il faut qu'il fasse election de gens de bien, s'il le veut estre luy-mesme, pour ce que les esprits se communiquent facilement & nous rendent souuent tels que sont ceux avec lesquels nous frequentons. Avec les Saints vous ferez Saints, & avec les peruers vous ferez peruertis, disoit le S. Prophete.

Pendant le iour, nous estions continuellement visitez d'un grand nombre de Sauvages & à diuerses intentions; car les uns y venoient comme amis & pour s'instruire de leur salut, d'autres pour auoir le contentement de nous voir & s'entretenir de discours avec nous, quelqu'uns pour observer nos ceremonies & nostre gouvernement. Les enfans pour apprendre leur creance & les lettres, & d'autres pour nous demander quelque chose, lors principalement que i'y estois, car le Pere Joseph & le Pere Ni || colas auoient 230
trouué cette inuention pour se dépetrer des Sauvages trop importuns, de leur dire qu'ils estoient pauvres quant à eux & que tout ce qu'ils auoient m'appartenoit, i'en pensois faire de mesme à leur endroit pour auoir paix, mais estans deux contre moi, ie perdis